



Qeqqata Kommuniiani akiliilluni piniartitsivissamut akuersissuteqarfiusumut 957-03.12-mut qinnuteqaqqusineq

Naalakkersuisut takornarianut sullissinermut akuersissutinik uani suliarinnittussarsiuussinissamut soqutigisalinnaat qinnuteqaqqusippat¹.

Qeqqata Kommuniata kommunimut pilersaarummut tapiliussakkut nr. 7-kkut immikkoortoq akiliisitsilluni piniartarfissatut atugassiivoq.

Suliariumannittussarsiuussinermi pineqarput takornarialerinermut immikkoortumi pineqartumi akiliisitsilluni piniartitsinissamut neqeroortitsinissamut, tuniniaanermut tunniussinerlu.

Kinaluunniit inuk suliffeqarfilluunniit takornariartitsinermik suliaqarnissamut piumasaqaatinik naammassinnissimalluni akuersissummik nalunaarfigineqartussaq Qeqqata Kommuniiani immikkoortumi akiliisitsilluni piniartitsinissamut takornialerinissamut akuersissummik qinnuteqarsinnaavoq.

Septembarip 7. - 2026
Suliap normua 2026-4059-

3900 Nuuk
Oqa. (+299) 34 50 00
E-mail: isiin@nanoq.gl
www.naalakkersuisut.gl

Suliarinnittussarsiorluni qinnuteqaatit Inuussutissarsiornermut Aatsitassanullu Naalakkersuisoqarfimmit (Naalakkersuisoqarfimmit) 8. novembari 2026 nalunaaqutaq 23.59 Nuummi Kalaallit Nunaanni tiguneqareersimassapput.

Qinnuteqaammik tamakkiisuunngitsut Naalakkersuisut naliliippata Naalakkersuisut qinnuteqartumut tamatumunnga nalunaarutiginnissapput. Qinnuteqartup qinnuteqaatini allanngortillugu paasissutissanilluunniit ilallugu imaluunniit uppersaatinik Naalakkersuisunut qinnuteqartumut qinnuteqaataanik naammanginneranik nalunaarfigineranik ullut 14-init iluanni nassiuteqqissavaa.

Qinnuteqartup ullut 14-init iluanni qinnuteqaatini allanngortippagu ilappaguluunniit, taamaalillunilu Naalakkersuisunit naammattumik tamakkiisumillu isigineqalerluni, qinnuteqaat Naalakkersuisut qinnuteqaataaqqartumik tigusinerattut qinnuteqaat isigineqassaaq.

Qinnuteqartup qinnuteqaatini ullut 14-init iluanni allanngortinngippagu ilanngippaguluunniit, Naalakkersuisunit naammangitsutut tamakkiisuunngitsumillu isigineqarluni, qinnuteqaat suliarineqassanngilaq nalilersorneqaraniluunniit.

¹ Sumiiffinni toqqakkani takornariartunut kiffartuussinermik ingerlatsinissamut akuersissuteqartarneq pillugu Inatsisartut inatsisaanni § 9, imm. 1 malillugu

Qinnuteqartut tamarmik pitsaassutsimik naammassinnissimanngippata neqerooruteqartitsinermi takornarianik sullissinissamut akuersissummik Naalakkersuisut nalunaaruteqassanngillat.

Naalakkersuisut takornariartunut kiffartuussinermik ingerlatsinissamut akuersissuteqarnermik nalunaaruteqartussaataitaanngillat, naak Naalakkersuisut immikkoortumut takornariartunut kiffartuussinissamik ingerlatsinissamut akuersissuteqarnissamik neqeroortitsigaluartut².

Naalakkersuisut takornariartunut kiffartuussinissamik ingerlatsinissamut akuersissuteqarnermik qinnuteqartumut nalunaaruteqassapput imaluunniit nalunaaruteqassanngillat takornariartunut kiffartuussinissamik ingerlatsinissamut akuersissuteqartarnermut inatsit malillugu kiisalu ingerlatsinermut inatsisit suleriaatsillu nalinginnaasut malillugit, matumanilu suliamut attuumassuteqartumik nalilersuineq, assigiimmik pinnittarneq kiisalu pissutsinut naapertuuttumik iliuuseqartarneq ilanngullugit eqqarsaatigalugit.

Takornariartunut kiffartuussinermik ingerlatsinissamut akuersissuteqartarneq pillugu Inatsisartut inatsisaanni § 9, imm. 3.

Imarisai

1.	Neqeroortitsinermi allagaatit.....	5
2.	Immikkoortoq neqeroortitsinermit ilaasoq.....	5
3.	Takornariartitsinermi nioqqutissat neqeroortitsinermit ilaasut.....	6
4.	Qinnuteqarnermi periutsit	7
4.1	Qinnuteqaammik tunniussineq.....	7
4.2	Qinnuteqarfissamut killigititaq	7
4.3	Qinnuteqaatip imassaanut paasissutissanut uppersaatinullu piumasaqaatitai	7
5.	Akuersissummut piumasaqaatit	8
5.1	Akissarsianut, akileraarutitut akitsuutinullu atungassarititat	8
5.2	Takornariartunik sullissinissamut akuersissummik pigisaqalertup pinnaatitaaffii pissusaaffiilu.....	8
6.	Pitsaassutsumut piumasaqaatit (qinnuteqartumut tunngaviumik piumasaqaatit)	9
6.1	Suliffeqarfinnut inunnit ataasiakkaanit ingerlanneqartunut takornariartunik sullissinissamut akuersissummik qinnuteqartunut pitsaassutsikkut piumasaqaatit.....	9
6.2	Ingerlatseqatigiiffinnut ingerlanneqartunut takornariartunik sullissinissamut akuersissummik qinnuteqartunut pitsaassutsikkut piumasaqaatit.....	10
6.3	Qinnuteqartup teknikkikkut aningaasaqarnikkullu pinnaasaanut pitsaassutsikkut piumasaqaatit.....	11
7.	Tunniussinissamut piumasaqaatit	12
7.1	Tunniussinissamut piumasaqaatinut qinnuteqartunullu unammillertunut tunngasut ..	12
7.2	Tunniussinissamut piumasaqaat pingarneq 1: Qinnuteqartup teknikkikkut pinnaasai (pingartinnera: 20%).....	14
7.3	Tunniussinissamut piumasaqaat pingarneq 2: Qinnuteqartup aningaasaqarnikkut pinnaasai (aningaasarnikkut tunuliaqutai) (pingartinnera: 20%)	14
7.4	Tunniussinissamut piumasaqaat pingarneq 3: Suliffinnik pilersitsinissamut qinnuteqartup piumassuseqarnera pinnaasaqarneralu aammalu suliarinninnermi, tunniussuinnermi kiffartuussinnermilu kiisalu takornariaqarnikkut nioqqutititut tunniussinissamut qinnuteqartoq qanoq pilersaarusiorsimanermi najukkami tunniussinnaasunik atuisinnaaneq. 40%) 15	15
7.5	Tunniussinissamut piumasaqaat pingarneq 4: Piujuartitsinermik periaaseqarluni qinnuteqartup takornarianik sullissinerit pillugit suliniutinik suliaqarsinnaanermut pinnaassuseqarnera aamma piumassuseqarnera (pingartinnera: 20%)	16
7.6	Akuersissummik tunniussinissamut piumasaqaatit tullii: Suliassat pilersaarutaasut annertussusaat.....	16
8.	Takornariartunik sullissinissamut akuersissummik pinissamut atungassarititanik qinnuteqartumut isumaqatiginninnerit.....	17
9.	Suliap suliarinneranut il.il. atatillugu akiliutit akissaatillu.....	17
10.	Taamaatitsineq	18
	Ilanngussaq 1 - Qinnuteqaatip imarisaanut piumasaqaatit.....	19

1.	<i>Qinnuteqaatip imarisai</i>	19
1.1	<i>Qinnuteqaatinut immersugassaq</i>	19
1.2	<i>Qinnuteqartoq pillugu paasissutissat</i>	20
1.5	<i>Qinnuteqartup teknikkikkut piginnaasai pillugit paasissutissat uppernarsaatillu</i>	21
1.6	<i>Qinnuteqartup aningaasaqarnikkut piginnaasai pillugit paasissutissat uppernarsaatillu</i>	21
1.7	<i>Suliassat pilersaarutaasut pillugit paasissutissat</i>	22
1.7	<i>Piujuartitsinermik periaaseqarluni qinnuteqartup takornarianik sullissinerit pillugit suliniutinik suliaqarsinnaanermut piginnaassuseqarnera aamma piumassuseqarnera</i>	23
1.8	<i>Qinnuteqaatip atsionnera</i>	24
Ilanngussaq 2 – Akuersissummik tunniussinissamut piumasaqaatit nalinginnaasut akissarsiallu		
	25	
1.	<i>Suliaqarnissamut pilersaarut matusinermullu pilersaarut</i>	25
2.	<i>Anguniagassat ilaat</i>	25
3.	<i>Qularnaveeqqusiineq</i>	26
4.	<i>Naalakkersuisunut akiliisarneq</i>	26
5.	<i>Akilerarutini akitsuutinillu Naalakkersuisunut akiliut</i>	26
6.	<i>Nakkutilliineq</i>	26
7.	<i>Nalunaaruteqartussaataaneq</i>	27
8.	<i>Takornariartunik sullissinissamut akuersissuteqartarneq pillugu inatsit kiisalu akuersissummik tunineqarnermi kingorna ilaalu ilanngullugit aamma taarsiisussaataanera malillugu atuisussaataasup pisussaaffii akisussaaffiilu</i>	27
9.	<i>Akuersissuteqarfimmi allat suliaat</i>	28
10.	<i>Akuersissummik tunniussineq</i>	29
11.	<i>Akuersissummik utertitsineq kiisalu suliassanik pilersaarummik matusinissamullu pilersaarummik akuersineq</i>	29
12.	<i>Pinngortitami avatangiisinilu pissutsit kiisalu kulturikkut eriagisassat nunatallu</i>	29
Ilanngussaq 3 – nuna akuersissuteqarfiusoq 957-03.12		31

Imarisai

1. Neqeroortitsinermi allagaatit

Suliarinnittussarsiuussinermut allagaatit makkunannga ilaqassapput:

1. Una qinnuteqaqqusissut.
2. Takornariartunut kiffartuussinissamik ingerlatsinissamut akuersissummik qinnuteqarnissamut immersugassaq.
3. Qeqqata Kommuniani kommunimut pilersaarummut tapiliussakkut nr. 7-kkut immikkoortuni akiliisitsilluni (tammajuitsussarsiorluni) piniartitsineq.
4. Sumiiffinni toqqakkani takornariartunut kiffartuussinermik ingerlatsinissamut akuersissuteqartarnek pillugu Inatsisartut inatsisaat nr. 67, 6. december 2024-meersoq

Allagaatit uani takuneqarsinnaapput:

businessingreenland.gl

2. Immikkoortoq neqeroortitsinermut ilaasoq

Qeqqata Kommuniani akiliilluni piniartitsivissamut akuersissuteqarfiusumut 957-03.12-mut qinnuteqaqqusineq (ilanngussaq 3 takuuk)

Kommunimut pilersaarummut tapiliussamut 7-mut immikkoortoq ima nassuiarneqarpoq:

*"Kommunimut pilersaarummut tapiliussami immikkoortut ilaannut 12-nut killiliisoqarpoq, taakkunani tammajuitsussarsiorluni piniartitsinissamut akuersissutinik qinnuteqarfigineqarsinnaasuni. Immikkoortuni tamani illuaqqanik tuperfinnilluunniit pilersitsisoqassaaq takornarianut tammajuitsussarsiorlutik piniartinneqartunut kiffartuussivinnik makku malillugit:
Ramsareqarfiup avataani immikkuualuttut ilaanni ukunani illuaraliortoqarsinnaavoq 957-O3.1 – 9. Tammajuitsorsarsiniarluni piniartitsivinni 957 03.10-12-mi taamaallaat toqqit tammaarfitt atorineqarsinnaapput.*

Kommunimut pilersaarummut tapiliussami ilaatigut ima allassimavoq:

Nunaqarfiup ilaata tamatuma atorineqarnera

Immikkoortoq tammajuitsussarsitsiniarluni piniartitsinermut immikkut akuersissuteqarfittut immikkoortitaavoq.

Immikkut akuersissuteqarluni tammajuitsussarsitsiniarluni piniartitsinermut atorineqarnera sammisanut allanut unioqqutitsinngitsunut ingerlatsinissamut aporfissaqanngilaq.

Assersuutigalugu makkuusinnaapput:

Misigisassarsioritsilluni takornariartitsinermut.

Pisutsitsineq/takornariaqarneq

Piniarneq aamma aalisarneq

- *Tissukartitsilluni aalisarneq*

Immikkoortoq immikkuualuttunut 12-nut aggulugaavoq, tammajuitsussarsititsiniarluni piniartitsinermut immikkut akuersissuteqarfinnik 1 - 12 taaneqartunik, immikkoortuni tamani tammajuitsussarsiorititsilluni piniartitsinermik ingerlatsinissamut immikkut akuersissutini nalunaaruteqartoqarsinnaalluni. Immikkoortuni tamani takornarissanut sulisorisanullu unnuiffiusinnaasunik, kiisalu immikkuualuttunut pilersaarummut matumunnga naapertuuttumik atortunik paasinninnissamut illuaqqanik pilersitsisoqarsinnaavoq imaluunniit tupeqarfinnik pilersitsisoqarsinnaalluni. Immikkoortumi O3.10 - 12-mi tupperluni asiarsimaartoqarsinnaavoq.”

3. Takornariartitsinermi nioqqutissat neqeroortitsinermut ilaasut

Suliariumannittussarsiuussinermi pineqarput takornarialerinermut immikkoortumi pineqartumi akiliisitsilluni piniartitsinissamut neqeroortitsinissamut, tuniniaanermut tunniussinerlu.

Takornariartunut kiffartuussinermik ingerlatsinissamut akuersisummik qinnuteqartup ilisimatitsissutigissavaa sammisassaqtitsinerit sorliit suliariniarnerlugit.

Sammisassaqtitsinermut pilersaarummi ilaassapput ukiuni siullerni tallimani ukiumut anguniakkat ilaannut aalajangersakkat kiisalu ukiumut anguniakkat ilaasa qanoq eqquutsinnissaannut iliuusissanut paasissutissat. Qinnuteqaammi imai aamma takukkit, matumanilu sammisassaqtitsinermi pilersaarutit imai, ilanngussaq 1-imi.

Qinnuteqartoq takornariartunik sullissinissamut akuersisummik tunineqartup sammisassaqtitsinermut pilersaarummi anguniakkat ilaannik allassimasunik naammassinnittussaataitaavoq.

Naalakkersuisut pissutsit attuumassutillit tamaasa tunngavigalugit uani suliariumannittussarsiuussinermi takornariartunik sullissinissamut akuersisummik tunniussisoqarnissaanut nalilersuereerlutik aalajangiissapput. Naalakkersuisut ilaatigut pingaartissavaat qinnuteqartup takornariartitsinissamut nioqqutissaminik nittarsaassisinnaaneranut, tunniussisinnaaneranut tuniniaasinnaaneranullu piginnaasai, takornarianut tunisaqarnissamut tunniussinissamut naatsorsuutigisa, sammisassaqtitsinissamut pilersaarutit annertussusaat aningaasatigullu nalingi kiisalu sammisassaqtitsinissamut pilersaarutaasut suliarinissaannut piffissamut pilersaarut sinaakkutaasorlu kiisalu takornariartitsinissamut nioqqutissanik nittarsaassinissamut, tuniniaanissamut tunniussinissamullu pilersaarutit aamma qinnuteqartup atortutigut aningaasatigullu piginnaasai.

Takornariartunik sullissinissamut neqeroorutissat killeqarpata imaluunniit aningaasaqarnikkut nalingat killeqarpata takornariartunik sullissinissamut nioqqutissanik pineqartunik kisermaassilluni nittarsaanissamut, tunniussinissamut tuniniaanissamullu qinnuteqartoq akuersisummik tunineqassanngilaq.

4. Qinnuteqarnermi periutsit

4.1 Qinnuteqaammik tunniussineq

Immikkoortumi neqeroortitsilluni takornartunik sullissinissamut akuersisummik qinnuteqaat uunga nassiunneqassaaq:

Inuussutissarsiornermut Aatsitassanullu Naalakkersuisoqarfik

E-mail: isiin@nanoq.gl

Qinnuteqaat e-mailikkut tunniunneqassaaq.

Qinnuteqartup takornarialerinerimik suliaqarnissamut akuersisummik qinnuteqarnissamut immersugassaq atussavaa, uani nassaarineqarsinnaasoq:

businessingreenland.gl

4.2 Qinnuteqarfissamut killigititaq

Neqerooruteqartitsineq piffissami 21. septembari 2026-mit 8. novembari 2026-mut nalunaaqutarpit malillugu nunatsinni Nuup nalunaaqutaa malillugu 23:59-imut killaqarpoq.

Qinnuteqaat taamaalilluni Naalakkersuisoqarfimmit tigoreerneqarsimassaaq kingusinnerpaamik **Sapaat 8. novembari 2026, Nuummi nalunaaqutaaq 23.59.**

4.3 Qinnuteqaatip imassaanut paasissutissanut uppersaatinullu piumasaqaatitai

Uani neqeroortitsinerim takornariartunik sullissinissamut akuersisummik piniarluni qinnuteqartitsinerim ilanngussaq 1-imi allassimasut paasissutissat uppersaataillu ilaatinneqassapput.

Qinnuteqartup ilanngussaq 1-imi taaneqartunut pissutsinut pasissutissat, uppersaatait pilersaarutillu tunniussai Naalakkersuisut takornariartunut sullissinissamut qinnuteqaataanik suliarinninnissaminut aalajangernissaminnullu kiisalu takornariartunik sullissinissamut akuersisummik suliaqarnissamut nalunaaruteqarnissamullu atussavaat. Qinnuteqartup sammisasaqartitsinerimut pilersaarummik allanillu pilersaarutini suliaqarnissaanut

suliaqartussaaitaanera, matumanilu unitsitsinissamut pilersaarut, pilersaarutillu Naalakkersuisunit akuersitinnissaannut apequtaassanngillat.

5. Akuersissummut piumasaqaatit

³Takornariartunik sullissinissamut akuersissummik tunniussisoqarneratigut piginnittussaaitaasoq akuersissuteqarfiusumi taaneqartumi immikkut nassuiarneqartumi takornarianik sullissinissamik kisermaassisussaaitaalissaaq.

Qinnuteqartup akuersissut piffissami sumi atorusunnerlugu allassavaa. Piffissaq akuersissuteqarfiusoq ilaatigut sulianit aningaasatigut pissarsiaataanissaa isiginiarlugu aalajangersarneqassaaq. Qinnuteqartup ukiut 20-t angullugit akuersissummik kissaateqaruni tamanna qinnuteqaammi allaqqassaaq, pisariaqartitsinerlu taamaammat sammisassaqaartitsinerlut pilersaarummik missingersuutinillu ilanngussanit tamanna tunngavilersorneqartariaqarluni.

Naalakkersuisut piffissamut aalajangersimasumut akuersissummik sivitsuinissamut nalunaaruteqarsinnaapput. Piumasaqaatit allanngorneri tunngavigalugit sivitsuineq tunniunneqarsinnaavoq. ⁴Piffissarli akuersissuteqarfiusoq tamarmiusoq ukiunik 30-nik sivilunerusinnaanngilaq.

5.1 Akissarsianut, akileraarutinut akitsuutinullu atungassarititat

Atuisussaaitaasoq akuersissummik tunineqarneranut atatillugu Naalakkersuisunut akiliuteqassaaq ⁵.

Immikkoortumi 957-03.12-mi ukiumut akiliut 7.500 DKK.-iuvoq.

Nakkutilliinermut il.il. aningaasartuutini matussusiiniarnermut Naalakkersuisut akiliummik akileeqqusissapput⁶

5.2 Takornariartunik sullissinissamut akuersissummik pigisaqalertup pisinnaatitaaffii pisussaaffiilu

Takornariartunik sullissinissamut inummut suliffeqarfimmulluunniit pitsaassutsinut piumasaqaatinik tamanik naammassinnittunut akuersissummik tunniussisoqarsinnaavoq.

Takornariartunut kiffartuussinermik ingerlatsinissamut akuersissuteqartarneq pillugu Inatsisartut inatsisaanni § 7, imm. 1.

⁴Takornariartunik sullissinissamut akuersissuteqartarnermut inatsimmi § 5, imm. 3 takuuk.
§ 20 naapertorlugu.
§ 23 naapertorlugu.

Akuersissummik tunniussisoqarpat inuk suliffeqarfilluunniit takornariartunik sullissinissamik akuersissummik tunineqareerneratigut atuisussaatitaallissaaq. Atuisussaatitaasoq takornariartunik sullissinissamut akuersissummik pereeruni atuisinnaatitaallissaaq, matumanilu takornariartunut nioqutissanut ilaasunik akuersissummik kisermaassisussaatitaaneq.

Atuisussaatitaasoq aamma takornarianik sullissinissamut akuersissuteqalernerup kingorna pisussaaffeqarpoq. Atuisussaatitaasup takornariartunut sullissinissamut akuersissuteqartarnermut inatsit malillugu, takornariartitsinermut akuersissut aamma Naalakkersuisunit sammisassaqartitsinermut pilersaarummik akuerisaat kiisalu takornariartunut sullissinissamut akuersissutip naareernerani pisussaaffeqarpoq.

6. Pitsaassutsimut piumasaqaatit (qinnuteqartumut tunngaviusumik piumasaqaatit)

Pitsaassutsimut piumasaqaatit uani neqeroortitseqqussummi takornariartunik sullissinissamut akuersissummik qinnuteqartunut tamanut tunngaviusumik piumasaqaataapput. Qinnuteqartoq pitsaassutsinut piumasaqaatinik eqquutsinngippat qinnuteqartoq takornariartunik sullissinissamut akuersissummik tunineqarsinnaanngilaq.

Takornariartunik sullissinissamut akuersissut suliffeqarfimmut inummit ataatsimit ingerlanneqartumut imaluunniit ingerlatseqatigiiffimmut tunniunneqarsinnaavoq. Inunnut ataasiakkaanut suliffiutlilinnut ingerlatseqatigiiffinnullu uani suliariumannittussarsiuussinermi qinnuteqartunut pitsaassutsinut piumasaqaatit assigiinngitsut atuupput⁷.

Qinnuteqartup takornariartunik sullissinissamut akuersissummik qinnuteqarnermini aamma takornariartunik sullissinissamut akuersissuteqarfimmi piffissami tamarmi pitsaassutsinut piumasaqaatit naammassisimassavai.

Qinnuteqartup pitsaassutsimut piumasaqaatit tamaasa naammassippagit Naalakkersuisut takornariartunik sullissinissamut akuersissummik tunniussisoqarnissaanik tunniussisoqannginnissaanilluunniit aalajangiissapput.

6.1 Suliffeqarfinnut inunnit ataasiakkaanit ingerlanneqartunut takornariartunik sullissinissamut akuersissummik qinnuteqartunut pitsaassutsikkut piumasaqaatit

Inunnit ataasiakkaanit (inunnut) suliffeqarfiit takornariartunik sullissinissamut akuersissummik tunniussisoqarsinnaavoq makku eqquutsinneqarpata:

⁷Takornariartunik sullissinissamut akuersissuteqartarnermut inatsimmi § 12 aamma § 13.

- 1) Kalaallit Nunaanni inuit allattorsimaffianni sivikinnerpaamik ukiuni kingullerni tallimani najugaqartutut nalunaarsorsimasoq,
- 2) Kalaallit Nunaannut tamakkiisumik akileraartartoq,
- 3) aningaasaatiminik tamakkiisumik atuisinnaatitaasoq akiliisinnaajunnaarsinnaasutut suliarineqanngippat, akiliisinnaassuseqanngitsutut suliarineqarani imaluunniit atorunnaartussatut suliarineqanngippat
- 4) pisortanut akiligassanik 100.000 kr.-it sinnerlugit akiitsoqanngippat.

Taakku saniatigut qinnuteqartoq teknikkikkut tunngasunik aningaasaqarnermullu piginnaasanik naammattunik peqassaaq.

Qinnuteqartoq immikkoortumi akiliisitsilluni piniartitsinissanut aaqqissuussinermut akuersissuteqassaaq⁸.

Pitsaassutsimut piumasaqaatit tamarmik akuersissummik tunniussinermi aamma piffissami akuersissuteqarfiusumi tamarmi naammassineqarlutik eqquutsinneqassapput.

6.2 Ingerlatseqatigiiffinnut ingerlanneqartunut takornariartunik sullissinissamut akuersissummik qinnuteqartunut pitsaassutsikkut piumasaqaatit

Takornariartunik sullissinissamut akuersissut taamaallaat ingerlatseqatigiiffimmut (inatsisitigut akisussaasumut) tunniunneqarsinnaavoq:

- 1) Ingerlatseqatigiiffik aktiaatileqatigiiffiussaaq imaluunniit inuup ingerlatseqatigiiffiutigissavaa Kalaallit Nunaanni angerlarsimaffeqartoq,
- 2) Ingerlatseqatigiiffik akiliisinnaajunnaartutut suliarineqarsimassanngilaq, akiliisinnaajunnaaqqassanngilaq imaluunniit akiliisinnaajunnaartutut suliarineqarsimassanngilaq.
- 3) Aningaasaatileqatigiiffinnut piumasaqaataavoq, aningaasaatileqatigiiffiup aningaasaataasa minnerpaamik 2/3-ii, aamma taasisinnaatitaanermut piginnaatitaaffiit minnerpaamik 2/3-ii toqqaannartumik toqqaannanngitsumilluunniit inunnit, immikkoortumi siulianiittumi piumasaqaatinik naammassinnittunit, pigineqassasut, piumasaqaatit § 12-imi nr. 1-4-nik naammassinnittoq.
- 4) inunnit ingerlatseqatigiiffinni peqataasut 2/3-ii § 12, nr. 1-4-ni piumasaqaatinik naammassinnippata, aamma
- 5) ingerlatseqatigiiffik pisortanut akiligassanik 100.000 kr.-it sinnerlugit akiitsoqassanngilaq.

Akiliisitsilluni piniartitsinissamut akuersissut Aalisarnermut, Piniarnermut, Nunalerinermut Imminullu Pilersornermut Naalakkersuisoqarfiimmit tunniunneqassaaq

Taakku saniatigut qinnuteqartoq teknikkikkut tunngasunik aningaasaqarnermullu piginnaasanik naammattunik peqassaaq.

Qinnuteqartoq immikkoortumi akiliisitsilluni piniartitsinissanut aaqqissuussinermut akuersissuteqassaaq⁹.

Pitsaassutsimut piumasaqaatit tamarmik akuersissummik tunniussinermi aamma piffissami akuersissuteqarfiusumi tamarmi naammassineqarlutik eqquutsinneqassapput.

6.3 Qinnuteqartup teknikkikkut aningaasaqarnikkullu piginnaasaanut pitsaassutsikkut piumasaqaatit

Ingerlatseqatigiiffik inulluunniit takornariaqarnermik sullissinissamut akuersissummik piniarluni qinnuteqartoq takornarianik sullissinissamut akuersissutiminut pisussaaffimmik suliaqarnissamut pisussaataaffimminik teknikkikkut aningaasatigullu qinnuteqarnermini naammattunik pisussaaffeqassaaq¹⁰.

Qinnuteqartup taamaattunik neqerooruteqarnerni, tuniniaanerni tunniussinernilu imaluunniit takornariartitsinermi niuerutissanik assingusunik imaluunniit taamaattunik siusinnerusukkut misilittagai toqqaanermi pingaartinneqassapput.

Tamatumanili pineqanngillat takornariartitsinermi niuerutissat taamaattut assingusulluunniit pingaartinneqanngillat, allaat aamma qinnuteqartoq kiffartuussissutininik assingusunik misilittagaqaraluarpuunniit.

Takornariartitsinermi ingerlatassatut pilersaarutit isumagisinnaanerinut piginnaatitsissummik pigisaqartoq suliaqarfitsigut piginnaasanik pisariaqartitanik piginnaasaqartussaavoq. Tamatumani suliffeqarfik illersorneqarsinnaasumik imminullu akilersinnaasumik ingerlatissagaanni tamakku tunngaviusussaammata.

Toqqaanermi qinnuteqartup aningaasarsiornikkut tunuliaqutai pingaartinneqassapput.

Qinnuteqartup takornariartitsinermi niuerutissanik neqerooruteqarnissamut tunniussinissamullu ingerlatsinernut atatillugu aningaasartuutit siunertaqartumik nammassinnaassagunigit aningaasarsiornikkut tunuliaqutai pisariaqartinneqartut akuersissummik tunineqarnissamut tunngaviussapput pingaaruteqarlunnartut.

⁹Akiliisitsilluni piniartitsinissamut akuersissut Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmit tunniunneqassaaq

¹⁰Takornariartunik sullissinissamut akuersissuteqarnermut inatsimmi § 10 takuuk.

Aningaasaqarnikkut sinaakkutit qinnuteqartup suliaassaminik piviusunngortitsinissaanut inerisaanissaanullu sunniuteqassapput.

Pisarialimmik aningaasaqarnikkut aningaasarsiornikkullu pisinnaasaqarnermi ingerlatseqatigiiffiup qinnuteqartup akileraarutinit, akitsuutinit, akuersissutinit akiliutinit imaluunniit isumaginninnikkut uppersaasiinnikkut akiliutinit tunngatillugu Kalaallit Nunaanni pisortani oqartussanut akiitsunik 100.000 kr.-niusunik taakkualuunniit sinnerlugit akilerneqanngitsunik akiitsoqannginnissaa pillugu uppersaasoqartarnissaanut aamma piumasaqaateqartoqarpoq.

7. Tunniussinissamut piumasaqaatit

7.1 Tunniussinissamut piumasaqaatinut qinnuteqartunullu unammillertunut tunngasut

Qinnuteqartup pitsaassutsinik piumasaatinik tamanik naammassinnissimappat Naalakkersuisut takornarianik sullissinissamut akuersissutinit qinnuteqaqqusilluni neqeroortitsinermi akuersissummik tunineqassanersoq aalajangiiffigissavaat. Naalakkersuisut pissutsit attuumassutillit tamaasa ataatsimut nalilersuivigereerlugit aalajangiissapput.

Qinnuteqartuni unammillertoqarpat Naalakkersuisut ilaatigut aalajangissavaat takornariartitsinermit suliaqarnissamik akuersissummik tunniussisoqassanersoq, taamaassappallu takornariartitsinermit akuersissut kimut tunniunneqassanersoq, tunniussinissamut piumasaqaatinik qinnuteqartoq imaluunniit qinnuteqartut naammassinnissimanersut ataatsimut nalilersuiffigereerlugit.

Naalakkersuisut pingaartillugit tunniussinissamut piumasaqaatit pingaarnerit makku malillugit sulissapput:

1. Qinnuteqartup teknikkikkut piginnaasai.	Uuttuutaa: 20%
2. Qinnuteqartup aningaasaqarnikkut piginnaasai.	Uuttuutaa: 20%
3. Suliniut pilersaarusiorfigineqassaaq makkuninnga allaaserinninnikkut: a) Qinnuteqartup nioqqutissamik nittarsaassisinnaassusia kiisalu tuniniaaffissanik sunniuteqartunik pilersitsisinnaassusia. b) Qinnuteqartup suliffissanik pilersitsinissaminut kiisalu isumaqatigiissusiornermi, pilersuinermit kiffartuussissutinilu pilersuisunik nunaqavissunik atuinissaminut piumassuseqarnera piginnaasaalu.	Uuttuutaa: 40%
4. Piujuartitsinermit periaaseqarluni, pinngortitamut, avatangiisinut, silap pissusaanut, sulisut pisinnaatitaaffiit aamma inuiaqatigiit soqutigisaannut nalinginnaasunut naleqquttumik qinnuteqartup takornarianik sullissinerit pillugit suliniutinik suliaqarsinnaanermut piginnaassuseqarnera aamma piumassuseqarnera.	Uuttuutaa: 20%

Tunniussinissamut tunngaviit pingaarnerit immikkoortuni 7.2-7.46-imi sukumiinerusumik eqqartorneqarput.

Naalakkersuisut qinnuteqartup qinnuteqaataa kiisalu paasissutissat ilassutaasut uppersarsaatillu Naalakkersuisunit pingaartinneqartut ataatsimut nalilersussavaat. Tamanna tunngavigalugu Naalakkersuisut qinnuteqartumut pointilersoriaaseq una naapertorlugu pointinik 06-inik qinnuteqartoq tunissavaat:

Piumasaqaammik naammassinninneq	Pointit
Pitsaalluinnartoq	6
Pitsaalluinnartoq/ajunngilluinnartoq	5
Ajunngilaq/naammagisimaannarpoq	4
Akunnapoq/naammappoq	3
Naammappoq	2
Naammaginarpallaanngilaq	1
Ajorpoq	0

Naalakkersuisut nalilersuereermennit naammattumik uppersarsaersuisoqarsimanera ilimanaateqarneraluunniit pointilersuissapput, kiisalu qinnuteqaatip tassungalu paasissutissat uppersarsaatillu tunuliaqutaralugit piviusorsiortuunera pillugu Naalakkersuisut nalilersuereerpata. Naalakkersuisut naliliippata pissutsit ilaat uppersarsarneqanngitsoq imaluunniit naammattumik ilimanaateqanngitsoq piviusorsiunngitsorluunniit, Naalakkersuisut tunngaviusumik tassunga nalilersuissanngillat.

Qinnuteqartup nammineq akisussaaffigaa akuersisummik piniarnermini piumasaqaatinik naammassinnissimanani naammattunik uppersarsaersussallugu, qinnuteqartullu qinnuteqaammik uppersarsaatinik naammattunik ilanngussinissani qinnuteqaatimi nalilersornissaa siunertaralugu. Naalakkersuisulli pisinnaatipput uani suliariumannittussarsiuussinermi qinnuteqarfissap qaangiutereernerani qinnuteqaatinik tunniussinermi qinnuteqartumut paasissutissanik uppersarsaatinillu allanik tunniusseqqullugu, tamannali pisussaaffiliinani.

Unammillutik qinnuteqartut arlallit piumasaqaatinik qulaani taaneqartunik marluk arlallilluunniit naammassinnippata assigiinnillu ataatsimut pointeqarlutik Naalakkersuisut qinnuteqartunut unammillertunut kimut akuersisummik tunniussinissaminnut aalajangiiniarnerminni makku piumasaqaatit tulluuttut pingaartissavaat:

- Suliassat pilersaarutaasut annertussusaat

Naalakkersuisut pointilersueriaaseq malillugu takornariartitsinissamik suliaqarnissamut akuersisummik qinnuteqartumut pointinnannerpaamut tunniussisinnaapput. Assersuutigalugu qinnuteqartup suliamik naammassinnissinnaanera 6 pointinik nalilerneqarpat, qinnuteqartup

aningaasaqarnera 4 pointinik, qinnuteqartup takornariartunik sullissinissamut tunniussinissaminut pilersaarutaa 5 pointit kiisalu nungusaataanngitsumik sullissinera 5 pointinik. Ataatsimut nalilerneqarnera taamaalilluni 5 pointiussaaq.

$$(0,20*6) + (0,20*4) + (0,40*5) + (0,20*5) = 1,2 + 0,8 + 2 + 1 = 5.$$

7.2 Tunniussinissamut piumasaqaat pingaarneq 1: Qinnuteqartup teknikkikkut piginnaasai (pingaartinnera: 20%)

Qinnuteqartup teknikkikkut piginnaasaanik nalilersuinermin Naalakkersuisut pingaartissavaat qinnuteqartup piginnaasaasa annertussusaat uppersarsarsinnaallugillu, ilisimasai misilittagaalu takornariartunik sullissinermut taama ittunut piginnaasai, tunisisarnera tunniussisarneralu pillugit misilittagai, suliasaqarnissamut qinnuteqarfigineqartunut tunngasut ilanngullugit eqqarsaatigalugit.

Naalakkersuisut nalilersuinerminni ilaatigut makku pingaartissavaat:

1. Takornariartitsinerit sammisallu assigiinngitsut suuppat qassiuppallu, taamalu qinnuteqartup misilittagaqarfigai, aamma ilisimasaqarfigai piginnaasaqarfigalugillu. Tassaasinnaapput takornariartitsinerinik qinnutigineqartunik assigisaanilluunniit nittarsaassinermi, nioqquteqarnermi ingerlatsinermilu misilittakkat.
2. Qinnuteqartoq takornariartitsinerinik attuumassuteqartunik sulianillu attuumassuteqartunik naammassinninnermi qinnuteqartoq sivilutigisumik misilittagaqarpa.
3. Takornariartitsinerit suliallu qinnuteqartup suliaralugillu ingerlallugillu misilittagaqarfigisai qanoq takornariartitsinernut sulianullu qinnutigineqartunut attuumassuteqartigippat.
4. Qinnuteqartup misilittagai attuumassutillit qanoq naleqqutsigippat. Tassanissaaq isiginiarneqassaaq inuiaqatigiinni, silami avatangiisinilu Kalaallit Nunaannisut ittuni takornariartitsinerinik sulianillu misilittagaqarnerisq.
5. Qinnuteqartoq suliffimmini sunik piginnaasaqarpa ilisimasaqarlunilu.
6. Akuersissutaajunnartumi suliasani pillugit qinnuteqartoq sunik pilersaaruteqarallarpa, pilersaarutillu taakku qanoq piviusorsiorsorineqartigaat aammalu takornariartitsinissanut suliasanullu ilisimasaqassusermik takutitsigippat.

7.3 Tunniussinissamut piumasaqaat pingaarneq 2: Qinnuteqartup aningaasaqarnikkut piginnaasai (aningaasarnikkut tunuliaqutai) (pingaartinnera: 20%)

Qinnuteqartup aningaasaqarnikkut akiliisinnaassusaanik nalilersuinermin Naalakkersuisut pingaartissavaat qinnuteqartoq takornarianut pilersaarinnissamut, tunisinissamut sullissinissamullu aningaasaqarnikkut qanoq akiliisinnaassuseqartiginersq qanorlu uppersarsaasersuitigisinnaanersq kiisalu illersorneqarsinnaasumik pissusissamisoortumillu suliasamik qanoq naammassinnissinnaatiginersq.

Naalakkersuisut pissutsit attuumassutillit tamaasa ilanngullugit nalilersuissapput.

Naalakkersuisut nalilersuinnerminni ilaatigut makku pingaartissavaat:

1. Qinnuteqartup kaaviiartitai, aningaasaqarnikkut ingerlatsinera, nammineq aningaasaatai, akiliisinnaassusia kiisalu suliassanut pilersaarutaasunut tunngatillugu naammassinnissinnaassusia.
2. Akuersissutaajunnartup kingorna pilersaarutiniq qinnuteqartup naammassinninnissaa, aamma aningaasalersuinnissaa, kiisalu pilersaarutit taakku qanoq piviusorsiorfiginersut.
3. Naatsorsuuserisumit uppersarsakkanik pilersitsinnissamut ingerlatsinnissamullu missingersuusiorsimaneq.

7.4 Tunniussinnissamut piumasaqaat pingaarneq 3: Suliffinnik pilersitsinnissamut qinnuteqartup piumassuseqarnera piginnaasaqarneralu aammalu suliarinninnermi, tunniussuinnermi kiffartuussinnermilu kiisalu takornariaqarnikkut nioqqutiniq tunniussinnissamut qinnuteqartoq qanoq pilersaarusiorsimanermi najukkami tunniussinnissamut atuisinnaaneq. 40%)

Qinnuteqaatip imarissavai sumiiffimmut qinnuteqaateqarfiusumut suliassanut pilersaarutit pingaarnerit, tassanilu allaqqassallutik qinnuteqartup takornariartitsinnermik nioqqutissiami nittarsaannissaanut, tuniniarnissaanut tunniunnissaanullu pilersaarutai. Nalilersuinnermi Naalakkersuisut pingaartissavaat qinnuteqartup takornariartutik sullissinnissamut akuersissummut ilaasunik takornariartutut sullissinnermi nioqqutissani qanoq tunniutissanerlugit pilersaarutaa, Naalakkersuisut taakku saniatigut pingaartissavaat qinnuteqartoq kalaallinik sulisunik atorfinitsiterusunnera piginnaaneratalu qinnuteqartup qanoq uppersarsassaneraa, kiisalu kiffartuussinnissamut nioqqutissanillu pilersuisut kalaallit atorniarnera.

Naalakkersuisut pissutsit attuumassutillit tamaasa ilanngullugit nalilersuissapput.

Naalakkersuisut nalilersuinnerminni ilaatigut suliassanut pilersaarutaasunut pingaarnertut pilersaarummi makku tulliuttut pingaarnertutissinnaavaat:

1. Takornariartitsinnerit qinnutigineqartut qinnuteqartup qanoq nittarsaanniarnera, nioqqutiginiarnera kiisalu ingerlanniarnera, aammalu tamanna isumannaallisaanermit, peqqissusermit avatangiisinillu isigalugu qanoq isumannaallunilu naleqqutsiginersaq.
2. Takornariat takornariartitsinnerillu qanoq amerlatigissangatinneqarnersut, aamma takornariat qanoq amerlatigissangatinneqarnersut, takornariat taakku qanoq sivisutigisumik tikeraassangatinneqarnersut kiisalu suliani kaaviiartitsineq qanoq annertutigissangatinneqarnersaq.
3. Akuersissutaajunnartumut atatillugu suliani qinnuteqartup sulisunik nunaqavissunik atorfinitsitsilersaarlunilu atuilersaarnera, tassunga ilanngullugu sulisut nunaqavissut qassiussanersut, qanoq ittunik atorfeqassanersut, pilersaarutillu taakku qanoq

pivusorsortigisorineqarnersut, aamma nunaqavissut piumasarineqartunik piginnaasallit pissarsiassaassusiat naapertorlugu pilersaarutit qanoq pivusorsorsoritigineqarnersut.

4. Sulisunik nunaqavissuik pissarsiniarluni atuiniarlunilu qinnuteqartoq qanoq iliorniarnersoq, tassunga ilanngullugu qinnuteqartoq suliffeqarfinnik nunaqavissunik sulisulinnik sulisitsissamaarnersoq pisisarfeqassamaarnersorluunniit.
5. Akuersissutaajunnartup kingorna sulianik ingerlanneqarneranni suliffeqarfinnik Kalaallit Nunaanneersunik pilersuisoqarnissaminik sullissisoqarnissaminillu qinnuteqartup pilersaarutigigallagai, tassungalu ilanngullugu suliffeqarfiit Kalaallit Nunaanneersut amerlassusii aammalu taakkununga isumaqatigiissutigineqartussatut eqqarsaatigineqartut nalingi, tassunga ilanngullugit pilersaarutit taakku qanoq pivusorsortiginersut, aamma pilersuisut suliffeqarfiillu sullissisussat Kalaallit Nunaanneersut piumasarineqartunik piginnaanillit qanoq pissarsiarineqarsinnaatigissusiat eqqarsaatigalugu.

7.5 Tunniussinissamut piumasaqaat pingarneq 4: Piujuartitsinermik periaaseqarluni qinnuteqartup takornarianik sullissinerit pillugit suliniutinik suliaqarsinnaanermut piginnaassuseqarnera aamma piumassuseqarnera (pingaartinnera: 20%)

Piujuartitsinermik periaaseqarluni qinnuteqartup takornarianik sullissinerit pillugit suliniutinik suliaqarsinnaanermut piginnaassuseqarnera aamma piumassuseqarnera. Piujuartitsinermut tunngasut tassaasinnaapput pinngortitaq, avatangiisit, silap pissusaa kiisalu inuiaqatigiit soqutigisaat nalinginnaasut.

Ilaatigut tassaasinnaapput qinnuteqartup eqqakkat qanoq annikillisarniarnesai, avatangiisinut pitsaasunik aaqqiissutit toqqarniarnesai, isumalluutunik atoqqiineq kaaviiartitsinerlu eqqarsaatigalugit, suliffeqarfimmik pilersitsinermi pinngortitami sunniinera qanoq minnerpaaffianiitinniarneraa kiisalu innuttaasut akornanni eqimattat suliffeqanngitsut qanoq peqataatinniarnesai.

Aamma suliffeqarfiusinnaapput sulisumi inuttut sulinermilu atungaannik atungaartillugit sulisiterusuttut, pitsaasumik isumaqarluartumillu atungassaartillugit periarfisseerusuttut peqqinnermik tarnikkullu ilorrisimaarnermik attassitiinnarlugit.

Tassaasinnaapput suliffeqarfiit nunatsinni suliffissaqartitsiniarnermi ilinniarsimanngitsunut isummersuutillit, suliffeqarfiup ingerlannerani inerisarneranilu sulisunut ilinniarnissamut piginnaasanillu inerisaanissamut periarfissanik ammatitsisut.

7.6 Akuersissummik tunniussinissamut piumasaqaatit tullii: Suliassat pilersaarutaasut annertussusaat

Suliassat pilersaarutaasut pillugit nalilersuineri Naalakkersuisut ilaatigut pingaartissavaat qinnuteqartup akuersissuteqassaguni suliassat suut ilanngunniarnerlugit pilersaarutai kiisalu tassunga anguniakkat ilaat aamma pilersaarutit taama ittut qanoq pivusorsortiginersut nalilersornerisigut.

Naalakkersuisut pissutsit attuumassutillit tamaasa ilanngullugit nalilersuissapput.

Naalakkersuisut nalilersuinnerminni ilaatigut makku pingaartissavaat:

- Takornariat takornariatitsinerillu qanoq amerlatigissangatinneqarnersut, aamma takornariat qanoq amerlatigissangatinneqarnersut, takornariat taakku qanoq sivilutigit sumik tikeraassangatinneqarnersut kiisalu suliani kaaviiartitsineq qanoq annertutigissangatinneqarnersoq.

8. Takornariatunik sullissinissamut akuersissummik pinissamut atungassarititanik qinnuteqartumut isumaqatiginninniarnert

Naalakkersuisut qinnuteqartumut takornariatunik sullissinissamut akuersissummik qinnuteqartumut atungassarititanik pillugit isumaqatiginninniarnert isinnaavaat, matumanilu takornariatunik sullissinissamut akuersissummumut ilaasunik takornariatunut nioqqutissanik sammisassaqatitsinnernilu annertussusaat pillugit.

Takornariatunik sullissinissamut akuersissut sunaluunniit uani suliariumannittussarsiuussinnermi suliniutinut tigussaasunut atungassarititanullu malinnaasunik naleqqussaanerit allannguinerillu ilanngullugit akuersissummi atungassarititaasut malillugit tunniussisoqassaaq, matumanilu uani qinnuteqaqqusissummi atungassarititanik tassungalu ilanngussat uppersaatillu ilanngullugit.

Naalakkersuisut uani suliariumannittussarsiuussinnermi qinnuteqartunut qinnuteqaataannik tunniussinissamut piffissarititaasumik taassumalu kingornanut tunngasumik isumaqatiginninniarsinnaapput, Naalakkersuisut qinnuteqartut qinnuteqaataannik suliarinninnerminni qinnuteqaammillu akuersillutik.

Naalakkersuisut takornariatunik sullissinissamut akuersissuteqartarneq pillugu inatsit malillugu uanilu qinnuteqaqqusissummi atungassarititanik kiisalu ingerlatsinnermut inatsimmi malittarisassat suleriaatsillu malillugit qinnuteqartumut isumaqatiginninniarsinnaapput, matumanilu suliamut tunngasunik ileqqut, assigiimmik pinnittussaatitaaneq pissutsinullu naapertuuttumik suleriaatsit ilanngullugit eqqarsaatigalugit.

9. Suliaq suliarinneranut il.il. atatillugu akiliutit akissaatillu

Akuersissuteqareernikkut atuisussaatitaasoq suliamik sullissinnermut atatillugu, oqartussat allat sullissinnerannut, nakkutilliinnermut akuersissuteqarnermullu atatillugu allaffissornermut kiisalu Naalakkersuisut, Naalakkersuisoqarfiup Kalaallillu Nunaanni oqartussat allat akuersissummik suliaqarnerannut aningaasartuutininik sunilluunniit matussusiilluni akiliissaaq¹¹.

¹¹Takornariatunik sullissinissamut akuersissuteqartarnermut inatsimmi § 23 takuuk.

10. Taamaatitsineq

Suliariumannittussarsiuussineq akuersisummik tunniussinikkut naammassineqarsimalerpat suliariumannittussarsiuussineq Naalakkersuisunit unitsinneqarsinnaassaaq. Akuersissut aatsaat tunniunneqartutut isigineqartarpoq akuersisummik tunniussereermermi atuisussaataasumit Naalakkersuisunillu atsiorneqarsimalereeraangat.

Uani suliariumannittussarsiuussinermi akuersisummik qinnuteqartunut, imaluunniit suliariumannittussarsiuussinermik taamaatitsinermeri allanut Naalakkersuisut pisussaaffeqaratillu akisussaangillat.

Ilanngussaq 1 - Qinnuteqaatip imarisaanut piumasaqaatit

Qinnuteqartup nammineq akisussaaffigaa akuersissummik piniarnermini piumasaqaatinik naammassinnissimanini naammattunik uppersaasersussallugu, qinnuteqartullu qinnuteqaamminik uppersaatinik naammattunik ilanngussinissani qinnuteqaatimi nalilersornissaa siunertaralugu. Naalakkersuisulli pisinnaatipput uani suliariumannittussarsiuussinermi qinnuteqarfissap qaangiutereernerani qinnuteqaatinik tunniussinermi qinnuteqartumut paasissutissanik uppersaatinillu allanik tunniusseqqullugu.

Qinnuteqaqqusissummi pitsaassutsimut piumasaqaatit tassaapput takornariartunik sullissinissamut akuersissummik qinnuteqartunit tamanit naammassineqarsimasussat. Qinnuteqartoq pitsaassutsinut piumasaqaatinik eqquutsitsinngippat, tamannaluunniit uppersarneqarsinnaanngippat, qinnuteqartoq takornariartunik sullissinissamut akuersissummik tunineqarsinnaanngilaq.

1. Qinnuteqaatip imarisai

1.1 Qinnuteqaatinut immersugassaq

Qinnuteqartup takornarialerinerimik suliaqarnissamut akuersissummik qinnuteqarnissamut immersugassaq atussavaa, uani nassaarineqarsinnaasoq: businessingreenland.gl

Immersugassaq immersorsimasoq qinnuteqaammut ilanngunneqassaaq.

Qinnuteqaat ilanngussartalik kalaallisut qallunaatulluunniit allaqqasinnaavoq.

Qinnuteqartup ilanngussaq 1-im i taaneqartunut pissutsinut paasissutissat, uppersaqaatit pilersaarutillu tunniussai Naalakkersuisut takornariartunut sullissinissamut qinnuteqaataanik suliarinninnissaminnut aalajangerinissaminnullu kiisalu takornariartunik sullissinissamut akuersissummik suliaqarnissamut nalunaaruteqarnissamullu atussavaat. Qinnuteqartup sammisassaqaqtitsinermut pilersaarummik allanillu pilersaarutini suliaqarnissaanut suliaqartussaataitanera, matumanilu unitsitsinissamut pilersaarut, pilersaarutillu Naalakkersuisunit akuersitinnissaannut apeqqutaassanngillat.

1.2 Qinnuteqartoq pillugu paasissutissat

1.3 Inuttut qinnuteqartup paasissutissartai (suliffeqarfik kisermaassaq imaluunniit soqutigisaqatigiittut ingerlatsivik (I/S))

Qinnuteqartoq pillugu tunngaviusumik paasissutissat qinnuteqaammut immersugassami allassimassapput. Qinnuteqartup ilaatigut paasissutissiissutigissavai ateq, najugaq, CVR normu, oqarasuaatip normua aamma e-mail.

Qinnuteqaammut ilaatinneqartussat takornariartunik sullissinissamut akuersisummik tunineqarnissamut piumasaqaatit uku tulluuttut naammassineqarsimanerannut uppernarsaatit ilanngunneqassapput:

- 1. Qinnuteqartoq tamakkiisumik akileraartartuuneranik, inuit nalunaarsuiffianni najugaqarluni aamma Kalaallit Nunaanni tamakkiisumik piffissami, ukiunik siuliinik tallimanik minnerpaamik ataannartumik inunnik nalunaarsuiffimmi najugaqarsimaneranik uppernarsaateqassaaq. Assersuutigalugu najugaqarnermut uppernarsaammik ilanngussinikkut tamanna uppernarsarneqarsinnaavoq. Aamma qinnuteqartumit atsiorneqarsimasumit uppernarsaat qinnuteqaammut immersukkamut ilanngunneqassaaq.*
- 2. Qinnuteqartup pisortanut akiligassanik 100.000 kr.-it sinnerlugit akiitsoqannginnermut uppernarsaataa.*

1.4 Ingerlatseqatigiiffiit pillugit paasissutissat

Qinnuteqartoq pillugu tunngaviusumik paasissutissat qinnuteqaammut immersugassami allassimassapput. Qinnuteqartup ilaatigut paasissutissiissutigissavai ateq, najugaq, CVR normu, oqarasuaatip normua aamma e-mail.

Qinnuteqaammut ilaatinneqartussat takornariartunik sullissinissamut akuersisummik tunineqarnissamut piumasaqaatit uku tulluuttut naammassineqarsimanerannut uppernarsaatit ilanngunneqassapput:

- 1. Qinnuteqartup aktiaatileqatigiiffiunera imaluunniit piginneqatigiiffiulluni anpartselskabi Kalaallit Nunaanni angerlarsimaffeqartoq pillugu uppernarsaataa. Assersuutigalugu uppernarsarneqarsinnaavoq qinnuteqaat Suliffeqarfiit Qitiusumik Nalunaarsuiffiannit (CVR) uppernarsaammik ilanngussamik.*
- 2. Aningaasaatileqatigiiffinnut piumasaqaataavoq, aningaasaatileqatigiiffiup aningaasaataasa minnerpaamik 2/3-ii, aamma taasisinnaatitaanermut piginnaatitaaffiit minnerpaamik 2/3-ii toqqaannartumik toqqaannangitsumilluunniit inunnit, pigineqassasut imm. 1.3,1-imi piumasaqaatinik naammassinnittunit. Assersuutigalugu*

*najugaqarnermut uppersaammik ilanngussinikkut tamanna
uppersarneqarsinnaavoq.*

3. *Peqataasut 2/3-ii inunnit ingerlatseqatigiiffimmi imm 1.3, 1-imi piumasaqaatinik
naamassinissimarnernut uppersaat. Assersuutigalugu najugaqarnermut
uppersaammik ilanngussinikkut tamanna uppersarneqarsinnaavoq.*
4. *Qinnuteqartup pisortanut akiligassanik 100.000 kr.-it sinnerlugit akiitsoqannginnermut
uppersaataa.*

*Qulaani piumasaqaatinik eqquutsisinnermut uppersaatinik allanik Naalakkersuisut
piumasaqarsinnaapput.*

1.5 Qinnuteqartup teknikkikkut piginnaasai pillugit paasissutissat uppersaatillu

*Qinnuteqartut tamarmik suliassatut pilersaarutaasut suliarinissaannut naamassinissaannullu
teknikkikkut pisariaqartinneqartunik piginnaasaqarnertik uppersassavaat.*

*Qinnuteqaat qinnuteqartup piginnaasaanik nassuiaammik ilaqassaaq. Nassuiaat qinnuteqartup
takornarianik sullissinnermut assinganik assigisaanilluunniit suliaqarnermi nittarsaassinnermut,
tuniniaanermut tunniussinnermillu ilisimasai misilittagaalu pillugit paasissutissanik
uppersaatinillu ilaqassaaq, taamaaliornermi qinnuteqartut suliaqarnissamut
aningaasalersuinissamillu pilersaarummi nassuiarneqartut takornariaqarnermik
suliaqarnissamik pilersaarutaasut suliarinissaannut naamassinissaannullu suliatigut
piginnaasaat pisariaqartut takuneqarsinnaassalluni.*

*Nassuiaatip ilaatigut imarisinnaavai uani neqeroortitsinnermut attuumassuteqartunik ukiuni
kingullerni pingasuni takornarianik sullissinnermi nioqqutinik pingaarnernik paasissutissat.
Tunniussivissaq, annertussusaa, takornarialerinnermik sullissinnermi suussusaa,
takornarialerinnermik suliaqarnermi kikkut sullinniarneqarnersut kiisalu qinnuteqartup suliat
pissutsillu pineqartut sooq misilittakkatut isigineqartariaqarnersut tunngavilersuutaa
ilanngullugu nassuiaammi paasissutissiissutigineqassapput. Nassuiaat ilaatigut imaqassaaq inuit
oqaaseqaatinik aallerfigisinnaasat pillugit paasissutissat, suleqataasut taakkulu ilinniagaat,
piginnaasaat aamma akuersissutaat allagartaalluunniit.*

*Qinnuteqartut tamarmik pineqaatissinneqarsimannginnermik nalunaarsukkamik
pappiarangortinneranik imaluunniit Kalaallit Nunaanni oqartussanit susasaqartunit tassunga
assingusumik uppersaammik tunniussissapput.*

1.6 Qinnuteqartup aningaasaqarnikkut piginnaasai pillugit paasissutissat uppersaatillu

Qinnuteqartut tamarmik suliassatut pilersaarutaasut suliarinissaannut naammassinissaannullu aningaasaqarnikkut pisariaqartinneqartunik piginnaasaqarnertik uppersarsassavaat. Tunniussinissamut aamma piumasaqaatitut atuuppoq.

Qinnuteqaatip imarissavaa takornariartunik sullissinissamut akuersissuteqareermermi qinnuteqartup takornariartunik sullissinissamut ingerlannissaannut pilersaarutai qanoq aningaasalersorneqassanersut (aningaasalersuinissamik pilersaarut). Taakku saniatigut qinnuteqaammut pilersitsinermut ingerlatsinermullu missingersuutit qinnuteqartumit ilanngunneqassapput, kiisalu qinnuteqartup aningaasaqarnermut aningaasalersuinissamullu tunngasunik paasissutissaatai uppersarsaataalu pillugit nassuiaammik ilaqassalluni.

Qinnuteqartup aningaasaqarnikkut piginnaasai ilaatigut uppersarsarneqarsinnaapput ukiuni kingullerpi pingasuni ukiumut naatsorsuutit nutartikkanik saqqummiinikkut, missingersuutit naatsorsuuserisumit naqissusikkat, qinnuteqartup aningaaserivimmut attaveqaataanit aningaasalersuinissamullu isumaqatigiissutit avataanilluunniit aningaasalersuisunit, aningaaserivinnit assigisaannilluunniit attuumassutilinnit uppersarsaanerit.

Pisarialimmik aningaasaqarnikkut aningaasarsiornikkullu pisinnaasaqarnermi ingerlatseqatigiiffiup qinnuteqartup akileraarutitut, akitsuutitut, akuersissutitut akiliutitut imaluunniit isumaginninnikkut uppersarsaasiinikkut akiliutitut tunngatillugu Kalaallit Nunaanni pisortani oqartussanut akiitsunik 100.000 kr.-niusunik taakkuahuunniit sinnerlugit akilerneqanngitsunik akiitsoqannginnissaa pillugu uppersarsaasoqartarnissaanut aamma piumasaqaateqartoqarpoq.

1. 7 Suliassat pilersaarutaasut pillugit paasissutissat

1. Sumiiffik akuersissuteqarfiusoq

Uani suliariumannittussarsiuussinermi akuersissuteqarfiusoq ilaavoq Qeqqata Kommuniata kommunimut pilersaarummut tapiliussamut nr. 7, sumiiffik 957-03.12 akiliisitsilluni piniartitsineq malillugu, tassanilu toqqit kisimik atorneqassapput.

2. Akuersissuteqarnermi suliaassanullu pilersaarutitut takornariartitsinermik sullissinermi suliaqarnermullu ilaasut

Qinnuteqartup qinnuteqaammini allassavaa sunik suliaqarniarnerluni pilersaarutini.

Suliariumannittussarsiuussinermi pineqarput takornarialerinermut immikkoortumi pineqartumi akiliisitsilluni piniartitsinissamut neqeroortitsinissamut, tuniniaanermut tunniussinerlu.

Qinnuteqaatip imarissavai sumiiffimmut qinnuteqaateqarfiusumut suliaassanut pilersaarutit pingaarnertit, tassanilu allaqqassallutik qinnuteqartup takornariartitsinermik nioqqutissiami nittarsaannissaanut, tuniniarnissaanut tunniunnissaanullu pilersaarutai.

Paasissutissiisutigineqassaaq takornariartunik sullissinissaq qanoq nittarsaanneqassanersoq ineriartortinneqassanersorlu tuniniaavikkut pitsaasutigut suleqatinillu pilersitsinikkut takornariartunik sullissinissat ineriartortinnissat siunertaralugu.

Suliaqarnissamut pilersaarummi ilaassapput ukiuni siullerni tallimani ukiumut anguniakkat ilaannut aalajangersakkat kiisalu ukiumut anguniakkat ilaasa qanoq eqquutsinnissaannut iliuusissanut paasissutissat. Qinnuteqartoq takornariartunik sullissinissamut akuersissummik tunineqartup sammisassaqaqtitsinermut pilersaarummi anguniakkat ilaannik allassimasunik naammassinnittussaataitaavoq.

Suliaqarnissamut pilersaarummi qinnuteqartup akuersissummik tunineqareerneratigut kalaallinik sulisunik nioqqutissanillu pilersuisunut kiffartuussisunillu atuinissaminut pilersaarutaa pillugu uppernarsaatit paasissutissallu ilaatinneqassapput.

Suliaqarnissamut pilersaarut ilanngussatut ilanngunneqarsinnaavoq.

1.7 Piujuartitsinermik periaaseqarluni qinnuteqartup takornarianik sullissinerit pillugit suliniutinik suliaqarsinnaanermut piginnaassuseqarnera aamma piumassuseqarnera

Piujuartitsineq sorpassuarnut tunngavoq, ilaatigut makku ilaapput pinngortitaaq, avatangiisit, silap pissusaa, sulinermi piginnaatitaaffiit inuiaqatigiillu soqutigisaat. Piujuartitsinermik periaaseqarluni qinnuteqartup takornarianik sullissinerit pillugit suliniutinik suliaqarsinnaanermut piginnaassuseqarnera aamma piumassuseqarnera.

Assersuutaasinnaasut:

- *Eqqakkanik annikinnerpaaffianiititsineq kiisalu avatangiisinullu naviananngitsunik aaqqiissutitik toqqaaneq*
- *Isumalluutitik atoqqiineq kaaviiartitsinerlu*
- *Suliffeqarfimmik pilersitsinermit pinngortitamut sunniutaanik annikillitsitsineq*
- *Eqimattanik suliffissaaleqisunik peqataatitsineq*

Taakku saniatigut sulisunut sulinermit inuuniarnikkullu atungassarititanik pitsaasunik pilersitsinissaq pingartinneqassaaq, taakku pitsaasumik sunniuteqarlumillu peqataaniassammata, kiisalu peqqissusaat tarnikkullu ilorrisimaarnerat attatiinnarneqarluni. Kiisalu suliffeqarfiup ingerlatsinerani inerisarneranilu kalaallit suliffissarsiorlut isumaginarlugit ilinniarsinnaanerat piginnaanngorsaqqissinnaanerallu aamma ilaatinneqarsinnaavoq.

1.8 Qinnuteqaatip atsiornera

Qinnuteqartoq inuuppat qinnuteqaat taassumanga tunniunneqarlunilu atsiorneqassaaq. Qinnuteqartoq ingerlatseqatigiiffiuppat qinnuteqartoq ingerlatseqatigiiffik sinnerlugu qinnuteqaat atsiorsinnaatitaasumit tunniunneqarlunilu atsiorneqassaaq.

Ilanngussaq 2 – Akuersissummik tunniussinissamut piumasaqaatit nalinginnaasut akissarsiallu

Immikkoortuni tullerni takornariartunik sullissinissamut akuersissummi piumasaqaatit ilaat eqqartorneqarput.

1. Suliaqarnissamut pilersaarut matusinermullu pilersaarut

Atuisussaatitaasoq akuersissummik tunineqareermermi kingorna akuersissut malillugu suliaassat tamarmiusut pillugit suliaassanut pilersaarusiussaaq. Suliaassanut pilersaarut ilanngussartalerlugit Naalakkersuisunut nassiunneqassaaq.

Atuisussaatitaasoq suliaassanut pilersaarummik suliaqarnerminut atatillugu matusinermut pilersaarummik aamma suliaqassaaq, sulianik ingerlatsereermermi matusinermut atatillugu suut torersarniarneqarnersut ilanngullugit. Matusinissamut pilersaarut ilanngussartalerlugit Naalakkersuisunut nassiunneqassaaq.

Pilersaarusiata tamarmik Naalakkersuisunit akuerineqassapput. Akuersissuteqareernerup kingorna pilersaarutit marluk taakku Naalakkersuisunit akuerineqaaqqaartinnagit suliaassat aallartinneqassanngillat.

Pilersaarutiniq akuersissuteqarnerminni Naalakkersuisut pissutsinut attuumassutilinnut tamanut allanik sukumiinerusumik aalajangersaasinnaapput. Ilaatigut tassaasinnaapput teknikkimut tunngasunik, isumannaallisaanermut, avatangiisinut, nunaminertanik kiisalu pitsaassutsimut tunngasunut atungassarititat kiisalu akuersissuteqareernerup, suliaassanik pilersaarusioreernerup kiisalu matusinissamut pilersaarusioreernerup kingorna atuisussaatitaasup naammassisassaanut tunngasut.

Atuisussaatitaasup pilersaarutit ingerlaavartumik nutarterlugillu allanngortittassavai assersuutigalugu suliat annerusumik allannguiffigineqarpata.

2. Anguniagassat ilaat

Naalakkersuisut akuersissummi anguniagassat ilaannik aalajangersaasinnaapput piffissami aalajangersimasumi naammassineqartussanik. Anguniassat ilaat atuisussaatitaasup suliaassanut

*pilersaarutaagallaanut, akuersissummik qinnuteqarnermi tunineqarnera
suliariumannittussarsiuussillunilu atortut tunuliaqutaralugit aalajangersarneqassapput.*

3. Qularnaveequsiineq

*Naalakkersuisut takornariartunik sullissinissamut akuersissuteqartarneq pillugu inatsimmi
pisussaaffinnik naammassinnereernerup, akuersissummik tunniussereernerup kiisalu suliassanik
pilersaarummik matusinissamillu pilersaarummik akuersissuteqareernerup kingorna
atuisussaatitaasumut pisussaaffinnik qulaani taaneqartunik naammassinninnissamut
qularnaveequsiinissamut atungassarititanik aalajangersaasinnaapput.*

4. Naalakkersuisunut akiliisarneq

*Naalakkersuisut atuisussaatitaasumut akiliisitsilluni piniartitsinerum takornariartunik
sullissinissamut akuersissuteqareerpata atuisussaatitaasoq Naalakkersuisunut ukiumut 7.500
DKK.-nik akiliuteqartarnissaannut atungassarititanik aalajangersaasinnaapput.*

Akiliutit ukiumut ataasiarlugit akilerneqartassapput.

5. Akileraarutininik akitsuutinillu Naalakkersuisunut akiliut

*Atuisussaatitaasup akuersissummik tunineqarnermi kingorna suliament atasunik akileraarutininik
akitsuutinillu tassunga tunngasunik akiliissaaq.*

6. Nakkutilliineq

*Takornariartunut kifartuussinissamut akuersissutit, atuisussaatitaasut, suliat kiisalu pissutsit
inatsisartut inatsisaannut uunga ilaatinneqartut Naalakkersuisut nakkutigissavaat.*

*Naalakkersuisut nakkutilliinermiinnut malittarisassanik aalajangersaasinnaapput, matumanilu
Namminersorlutik Oqartussani oqartussat suliffeqarfilluunniit sorleq nakkutilliissanersoq,
imaluunniit kommunalbestyrelsinut nakkutilliinermik akisussaasunik kikkut aallartitaassanersut.*

*Naalakkersuisut atuisussaatitaasumut kiisalu inatsisartut inatsisaannut uunga ilaasut allat
pissutsinik aaqqeeqqullugit unioqqutitsinermilluunniit ingerlatsinerat unitseqqullugit
peqqusinnaavaat.*

*Naalakkersuisut inatsisartut inatsisaat una malillugu atuisussaatitaasup peqqussutit
malinngippagit inatsisartut inatsisaat una malillugu akuersissut tunniunneqarsimasoq
utertissinnaavaat.*

Naalakkersuisut takornariartunik sullissinissamut akuersissutininik utertitsisarneq pillugu malittarisassiorsinnaapput.

7. Nalunaaruteqartussaataaneq

Atuisussaataasooq akuersissummik pereertermi kingorna ukiumi qaangiuttumi suliani naammassisanilu pillugit ukiut tamaasa Naalakkersuisunut nalunaarummik nassiuussisassaaq.

Naalakkersuisut atuisussaataasup ukiumut nalunaarusiaanut atungassarititat aalajangersussavaat kiisalu suliaqarnissamut pilersaarummik akuersereernikkut suliaassat suliarineqartut naammassisallu il.il. pillugit ingerlaavartumik nalunaaruteqartarnissaanut tunngasut ilanngullugit eqqarsaatigalugit.

Naalakkersuisut tassunga aalajangiinernut nalunaaruteqarnissamut atugassarititassanik aalajangersaasinnaapput. Naalakkersuisut aamma akuersissuteqartumit naatsorsuutininik nutartikkanik nassiuussinissaanik piumasaqarsinnaapput.

Nalunaarutininik allanillu suliaqartermi nassiuussinermilu aningaasartuutit tamaasa atuisussaataasumit akilerneqassapput.

8. Takornariartunik sullissinissamut akuersissuteqartarneq pillugu inatsit kiisalu akuersissummik tunineqartermi kingorna ilaalu ilanngullugit aamma taarsiisussaataanera malillugu atuisussaataasup pisussaaffii akisussaaffiilu

Atuisussaataasooq pisussaavoq takornariartunik sullissinissamut akuersissuteqartartermut inatsit, akuersissut, suliaqarnissamik pilersaarummik akuersissuteqareertoqarneratigut kiisalu matusinissamut pilersaarut malillugu aalajangersakkat, atungassarititat, aalajangiinerit peqqussutillu tamaasa eqquutsissallugit malissallugillu.

Atuisussaataasooq aamma akuersissummik pissarsereertermi kingorna suliaqartermi akornusiippat ajoqusiinernut annaasanullu taarsiisussaataavaq, ajoqusiinerit annaasallu piaarinaartoornikkut pigaluarpataluunniit.

Atuisussaataasup taarsiisussaataanerata Naalakkersuisunit qularnaveeqqussutininut aalajangersagaannit qaqugukkulluunniit matussuserneqassapput. Atuisussaataasooq qaqugukkulluunniit taarsiisussaataanerinik akiliisussaataavaq, naak qularnaveeqqutit aningaasartaat qaangersimagaluarpagilluunniit imaluunniit qularnaveeqqussisummumt ilaanngikkaluarpata.

Naalakkersuisut suliaassanut pilersaarummik aamma matusinissamut pilersaarummik akuersinermikkut atuisussaataasup qularnaveeqqutitut matussusiisarnissaanik atungassarititat sukumiinerisut Naalakkersuisut aalajangersassavaat.

Atuinissamik pigisallip aamma qularnaassavaa takornarianik angallassisut atuinissamik pigisallip takornariartunik sullissinissamut akuersissuteqarfiani takornariartunik sullissinissamut pisariaqartunik piginnaasaqarnissaa pikkorissarsimanissaalu kiisalu akuersissuteqarnissaa. Taamaaliornikkut takornariartunik angallassisartut kulturimik, najukkani pissutsinik, silap aputillu pissusaannik kiisalu isumannaallisaanermik piginnaasaannik naammattunik pisariaqartinneqartunik sulisoqarnissaa takornarialerinermi nioqqutitik tunniussinissamut qularnaarneqassaaq.

9. Akuersissuteqarfimmi allat suliaat

Atuinissamik pigisallip immikkoortumi akuersissutaatillit piginnaatitaaffii ataqqissavai.

Immikkoortumi akuersissuteqarfiusumi atuinissamut pigisallit allat akuersissutit tulluuttut tunniunneqarsinnaapput suliaassallu makku suliaralugit:

- 1. Takornariartunik sullissinissamut akuersissummik tunineqartoq akuersissut una malillugu atuinissamik piginnaatitaaffeqartup kisermaassisussaataaangitsumut.*
- 2. Takornariartunik sullissinissamut akuersissummik tunineqartoq akuersissut una malillugu atuinissamik piginnaatitaaffeqartup kisermaassisussaataaangitsumut akuersissummillu peqanngitsumut ilaangitsunut.*
- 3. Uunga akuersissummut ilaasunik takornariartunik sullissinermik taakkununga akiliisitsinani suliaqartoq.*
- 4. Sikunik imermillu atuinissamut suliaqarnissamut akuersissuteqareernerup kingorna nalunaarutiginnittoqarnerani atuinissamut piginnaatitaasup akuersissut una malillugu suliaqarnissaanut ataqqinnilluni akornusersuinanilu pitsaaliuinngippat.*
- 5. Sikunik imermillu atuinissamut suliaqarnissamut akuersissuteqareernerup kingorna nalunaarutiginnittoqarnerani atuinissamut piginnaatitaasup akuersissut una malillugu suliaqarnissaanut ataqqinnilluni akornusersuinanilu pitsaaliuinngippat.*
- 6. Sikunik imermillu atuinissamut suliaqarnissamut akuersissuteqareernerup kingorna nalunaarutiginnittoqarnerani atuinissamut piginnaatitaasup akuersissut una malillugu suliaqarnissaanut ataqqinnilluni akornusersuinanilu pitsaaliuinngippat aatsitassanut inatsit imaluunniit sikunik imermillu atuinissamut inatsit malillugu.*
- 7. Siunnersuummi assersuutigalugu ilisimatuussutsikkut misissuiniarlunilu misissuinerit nalinginnaasut aamma nunap assiliorneri erngup sermillu pissusaannut attuumassuteqartut malittarisassaliuunneqanngillat.*

10. Akuersissummik tunniussineq

Akuersissummik toqqaannartumik, toqqaannanngitsumik imaluunniit piumasaqaatitaqartillugu tunniussineq Naalakkersuisunit akuerineqaaqassaaq. Naalakkersuisut tunniussineq akuerisinnaavaat atuinissamut piginnaatitaasoq nutaap ilaatigut atuinissamut piginnaatitaasumut piumasaqaatit naammassippagit kiisalu takornariartunik sullissinissamik inatsimmi atuinissamullu piumasaqaatit allat naammassisimappagit.

Toqqaannartumik tunniussineq ima paasineqassaaq akuersissut atuinissamut piginnaatitaasumit allamut tunniuppagu. Toqqaannanngitsumik tunniussineq tassaavoq atuinissamut piginnaatitaasumit sunilluunniit tunniussineq, piginnaatitsissummik pigisaqartumi aalajangiisumik sunniuteqartumut sunniuteqartussaasoq.

Naalakkersuisulli akuersineratigut qulakkeerneqartariaqassaaq, pisussaaffinnik eqquutsitsinissanut tunngaviit piginnaatitsissummik pigisaqartup akisussaaffii tunniussinermi ajornerulissanngimmata imaluunniit atorunnaarsinneqassanngimmata.

11. Akuersissummik utertitsineq kiisalu suliassanik pilersaarummik matusinissamullu pilersaarummik akuersineq

Naalakkersuisut akuersissummik utertitsinissamut kiisalu suliassanik pilersaarummik aamma matusinissamik pilersaarummik akuersinissamut atungassarititanik aalajangersaassapput.

Naalakkersuisut taamaallaat akuersissutini kiisalu suliaqarnissamut pilersaarutini matusinissamullu pilersaarutini utertitsisinnaassapput atuinissamut piginnaatitaasup akuersissummi aalajangersakkanik imaluunniit suliaqarnissamut pilersaarummi matusinissamullu pilersaarummi akuersinernit imaluunniit takornariartunik sullissinissamut akuersissut pillugu inatsimmi aalajangersakkat imaluunniit taanna malillugu aalajangersakkat eqquutsinngippagit imaluunniit atuinissamut piginnaatitaasup piffissamut killiliussaasut malinngippagit.

Akuersissut aamma suliaqarnissamut pilersaarut matusinissamullu pilersaarut ilaatigut utertinneqarsinnaapput akuersissuteqaannarnissamut taassuminngaluunniit tunniussinissamut piumasaqaatit naammassineqarsimajunnaarpata, imaluunniit atuinissamik piginnaatitaasoq akiliisinnaajunnaarpat imaluunniit ingerlatsisinnaajunnaarpat il.il.

12. Pinngortitami avatangiisinilu pissutsit kiisalu kulturikkut eriagisassat nunatallu

Pinngortitamut avatangiisinullu tunngasut akuersissuteqareernerup kingorna Pinngortitap illersorneqarnissaa pillugu Inatsisartut inatsisaat nr. 29, 18. december 2003-meersoq

(pinngortitap illersorneqarnissaa pillugu inatsit) aamma Avatangiisit innarlitsaaliorneqarnissaanik Inatsisartut inatsisaat (avatangiisit innarlitsaaliornissaannut inatsit) kingorna inatsisinik peqqussutinillu inatsit malillugu allanngortinneqartut malillugit killilersuisoqarpoq.

Kulturikkut eqqaassutissanik eqqissisimatitsineq illersuinerlu Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allanngortitsineq pillugu Inatsisartut inatsisaat nr. 11, 19. maj 2010-meersukkut kingornalu allanngortinneqarluni taannalu malillugu nalunaarutikkut killilersugaavoq.

Ilanngussaq 3 – nuna akuersissuteqarfiusoq 957-03.12

